

Na osnovu člana 72. stav (3) tačka d). Zakona o javnim nabavkama („Službeni glasnik BiH“, broj: 39/14), Pomoćnik gradonačelnika za Službu za komunalne poslove, izgradnju i poslove mjesnih zajednica, donosi

ODLUKU o dodjeli ugovora drugorangiranom ponuđaču

Član 1.

Ugovor za nabavku radova na sanaciji Doma kulture u MZ Dragunja, dodjeljuje se drugorangiranom ponuđaču „DINAMICO“ DOO KALESIJA, koji je nakon održane e-aukcije ponudio cijenu od 26.400,00 KM bez PDV-a odnosno 30.888,00 KM sa uračunatim iznosom PDV-a, a nakon što je odabrani ponuđač, propustio u ostavljenom roku dostaviti traženu Garanciju za dobro izvršenje ugovora.

Član 2.

Ovom odlukom stavlja se van snage Odluka o izboru najpovoljnijeg ponuđača broj: 05/11-A-006269-2021 od 06.07.2021.godine kojom se ugovor za nabavku radova na sanaciji Doma kulture u MZ Dragunja, dodjeljuje ponuđaču „ELEKTROCENTAR PETEK“ DOO TUZLA.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05/11-A-006269-2021 od 19.05.2021.godine.

Postupak nabavke je proveden putem otvorenog postupka za koji je objavljeno Obavještenje o nabavci broj: 1004-1-3-49-3-75/21 objavljeno na Portalu javnih nabavki dana 27.05.2021.godine.

Postupak nabavke provela je Komisija za nabavke imenovana Rješenjem broj: 05/11-A-006269-2021 od 19.05.2021.godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 8 (osam);
- da je blagovremeno zaprimljeno 8 (osam) ponuda;
- da nije bilo neblagovremenih ponuda;
- da je 7 (sedam) prihvatljivih ponuda;
- da je 1 (jedna) neprihvatljiva ponuda.

Svi ponuđači su obaviješteni o rezultatima postupka nabavke, te je najpovoljniji ponuđač pozvan da dostavi dokumentaciju iz člana 45. Zakona o javnim nabavkama u roku od 7 dana o dana prijema obavještenja o rezultatima postupka.

Izabrani ponuđač „ELEKTROCENTAR PETEK“ DOO TUZLA je dostavio traženu dokumentaciju do isteka roka predviđenog za dostavu dokumentacije, te je za predmetnu nabavku, u skladu sa uslovima iz tenderske dokumentacije i Zakonom o javnim nabavkama, ugovor pripremljen i dostavljen na potpis odabranom ponuđaču.

Uslovima iz tenderske dokumentacije, kao i članom 13. predmetnog ugovora je definisano da se Garancija za uredno izvršenje ugovora predaje u roku od 10 dana od dana od dana obostranog potpisivanja ugovora, a u slučaju da izabrani ponuđač ne dostavi garanciju za uredno izvršenje ugovora u skladu sa ovim članom Ugovora, zaključeni ugovor se smatra apsolutno ništavnim.

Izabrani ponuđač „ELEKTROCENTAR PETEK“ DOO TUZLA je dostavio traženu Garanciju za dobro izvršenje ugovora, ali nakon isteka predviđenog roka za dostavu Garancije za dobro izvršenje ugovora.

Ugovor o izvođenju radova na sanaciji Doma kulture u MZ Dragunja je zaključen dana 04.08.2021.godine, a Garancija za uredno izvršenje ugovora, broj: 1404016221484532 od 17.08.2021.godine izdata od SBERBANK BH dd Sarajevo – Poslovnica Tuzla 1, je dostavljena na protokol Grada Tuzla 18.08.2021.godine.

Obzirom da je izabrani ponuđač „ELEKTROCENTAR PETEK“ DOO TUZLA do predviđenog roka za dostavu tražene Garancije za dobro izvršenje ugovora, propustio dostaviti istu, ugovorni organ je postupio u skladu sa članom 72. stav (3) tačka d). Zakona o javnim nabavkama i ugovor dodijelio drugorangiranom ponuđaču kao što je i navedeno u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove odluke.

**Bosna i Hercegovina
Federacija Bosne i Hercegovine
zajednica
Tuzlanski kanton
GRAD TUZLA
Služba za komunalne poslove, izgradnju
i poslove mjesnih zajednica
Broj: 05/11-A-006269-2021
Datum, 20.08.2021.godine**

**Pomoćnik gradonačelnika za Službu za
komunalne poslove, izgradnju i poslove mjesnih**

mr.sc. Mirela Uljić, dipl.ing.grad.